

肥鄉縣志卷之十五

古蹟

漢封侯國樓臺歌管已燼滅而烟鎖趙建名城磨壘旌旗
倏星移而物換頽垣斷礎故址空尋蔓草荒烟遺踪莫考
然而風微人遠尚想像其風徽簡斷編殘會流傳其故迹
寄游踪於勝地如彷彿遇其人發思古之幽情輒低徊不
能去志古蹟

程難堡

程嬰匿趙孤處在縣南五里今訛為城南堡

葛藁城

在縣西南二十里俗名葛鵝城相傳為趙武靈王

夫人所築一名夫人城張懋勣風俗議廢煤連雲四圍二

肥鄉縣志

卷之十五

古蹟

十里為漳水淤成平地在今劉家寨村東

列人城

在縣東北列人隄上漢置縣北齊省明地里志肥

鄉縣東十五里有列人城

邯溝城

在縣西北七里

一本作五里

漢為侯國後漢省水經注

柳裴城西北二十里有邯溝城寰宇記邯溝故城俗名桓

公城

蒲城

後燕慕容紹出蒲池盜苻丕牧馬即此余公河賦註

以為重耳奔蒲之蒲非是

柳裴城

在縣南三里漢為侯國後漢省水經注漳水更右

經柳裴縣故城南前漢書王子侯表注在肥鄉城南地

志風俗志列人縣西南六十里卽柳裴故縣也今南關東南角地名裴家莊卽此

肥鄉舊城

在縣西寰宇記故城在縣西南二十二里

新興城

在縣東南晉書慕容垂攻拔鄴苻丕固守中城垂

塹而圍之分遣老弱於魏和肥鄉築新興城以置輜重

清漳城

在縣東三十里漢列人縣地隋於此置清漳縣唐

會昌三年省名勝志清漳城在縣東南七十里本漢列人

縣地又明泰昌時土人掘井數丈得清漳庵石碑蓋唐開

元清漳令秦獻造也今基址盡廢獨城隍廟尙存

白塔營

在縣東南一統志後燕慕容農起兵於此斬石拔

肥鄉縣志

卷之十五

古蹟

二

古隄

在張達村東西四五里漳水淤成平地見張懋勤風

俗議又有隄在河頭堡東至韓旺村若斷若續蜿蜒起伏

故址猶存漳河北岸之隄也

列人隄

舊志在縣東北二十里亦云列人埤後漢孝昌中

有人掘土得破船蓋漳水淤成高岸一統志唐李世民遣

軍肥鄉逼劉黑闥程名振載鼓六十懸於城西列人隄上

急擊地皆震動

神腹隄

在縣北一統志神腹隄在廣平府肥鄉縣北東西

約里唐時邑宰韋景駿築以備漳水之患

惠照院浮圖

城西惠照院有浮圖十三級臨風鈴鐸聞十

里明宏治間漳水入城傾沒

白龍潭 在城西六里龍堂堡唐太宗貞觀初賜勅立廟祀之

蓮花井 在縣東十八里大西高村水甘甚

十景

舊蹟湮沒者多僅存其名耳

漳水春游 城東三里游人每踏青於此

天臺晚眺 城西南十五里薄暮可登眺

趙陵春雪 塚上積雪春暮方消

古渡秋風 城外古渡秋風禾黍渡者絡繹

肥鄉縣志 卷之十五 古蹟

三

碑心古鑑 一在明倫堂前載王天衢投牒一在城北龍王廟載蔡正孫修廟記一在相公莊上清觀其石皆明

鑑 欲可

水刷神龜 在大成殿前載金泰和四年碑其形玲瓏俗傳水刷所致

郭北龍潭 見前

漳南古樹 城北古樹每樹可蔭一畝

紫荆梁棟 縣治廳前紫荆樹大可連抱用為退思堂梁

白蓮柱礎 關帝廟簷椽刻為蓮上青下白一石二色